

前漢書卷九十六上

漢

蘭

臺

令

史班

固撰

唐正議大夫行秘書少監琅邪縣開國子顏師古注

西域傳第六十六上

師古曰西鳥孫國

已後分為下卷

西域以孝武時始通本三十六國其後稍分至五十餘

師古曰司馬彪續漢書云至哀平有五十五國也

皆在匈奴之西鳥孫之南南

北有大山中央有河東西六千餘里南北千餘里東則

接漢阨以玉門陽關

孟康曰二關皆在敦煌西界師古曰阨塞也

西則限以

葱嶺

師古曰西河舊事云葱嶺其山高上悉生葱故以名焉

其南山東出金城與